



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Joannis Maurittii Gudeni Historia Erfurtensis Ab Vrbe Condita Ad Reductam

Gudenus, Johann Moritz von

Erfurti, 1675

XV.

**urn:nbn:de:hbz:466:1-11903**

burgius, cum prius Legatos Saxonum addisset, obedientiam denuò Civibus ac ministerio imperat, & Urbe excedit: Fuit is dies tricesimus Januarii.

## XV.

*Rationes  
ministerii  
contra preces.*

*A Collegiis  
prudentum  
rejiuntur.*

*Querelæ de  
Papiro.*

*Cur preces  
Moguntinæ  
resecunt.*

Octiduo post ministerium, † cur decretas preces renueret, verbosâ epistolâ Senatui perscribit. Ocyus hæc Schmidburgio submissa. Varia Theologorum, & Juratorum † Collegia super causæ justitiæ consulta sunt, unanimiter justum esse & rectum, ut pro Electore Moguntino oraretur, responderunt, idem Dreidentse Consistorium judicavit. At nihil his moti Erfurtenfes, maniâ religionis & libertatis turbidi. *Non suas orationes nisi in argumentum omnimodæ Superioritatis Moguntinos intendere, nec pro aliis, quàm pro Dominis à Cathedra publice preces fieri. Evincere istud Prætoris † Papii frequentes minas, quas nunquam sine jactantia in opprobrium Urbis disseminat. De Erfordia illi, & Electoratus municipio parem sententiam, in aliena servitute gloriam querere. Erat is Papius magnæ dexteritatis, ingenii fæcundi, in obloquendo audax, in propugnando strenuus, in discursu liberalis; non serenitantum, sed & rebus turbidis aptus, seu eas sedari possularet utilitas, seu magis confundere: His eximia doctrina, & fides in Dominum accedebat, quibus dotibus feliciter in turbis multa, & in emolumentum Moguntinæ peregit, ut pars Electoris prudentiæ fuerit, his temporibus eum præfecisse. Haud dissimularunt † Moguntini, jure Princi-*

Principis Electori preces ab Urbe deberi, sed ex eo jam minimè peti : Scilicet Elector humanitatem, quâ subditos de eminenti fastigio respiciebat, in se provocare intenderat, ut animi civium occasione belli & motuum efferi, malevolorum suggestionibus à Domino alienati, precum assuetudine mitescerent, & ad dilectionem provocarentur, sicque ab irreverentia in suum Principem, à turbamentis ministrorum posthac desisterent, ac inter Imperantem & subditos sancta nominis consuetudo amorem, fiduciam, hæc ad boni communis incrementum concordiam gigneret. Arserunt omnium ꝑ animi in Limplrechtum, quem cœcæ plebi malorum auctorem adversarii prædicaverant : Prævalebant jam illi, quod potentibus apud vulgum nominibus, Religione, & libertate studia plebis in odia concitassent, ideo populi voce proditoris crimine accusatur Limplrechtus; adversus hæc molimina ut se muniret, Cæsaris ꝑ protectionem invocat. Is protegendum suscipit, inimicorum judiciis eximit, ac ne in jus alio, quam ad imperialem aulam vocaretur, inhibet, in privilegii violatores severissimas pœnas statuit. Expertus est Limplrechtus nil rebellibus sanctum esse : nam hac ipsa protectione seditiosorum furorem in se provocavit. Auctæ adversariorum calumniæ : malè actorum conscientiam Cæsarem implorasse, penes quem intercessio-

ne

*Limplrechtus in omnium odio.*

*Cæsarem protectoris accipit.*

Ejus contem- ne Moguntini impunitatem speret. Ille  
 stationes de de Innocentia sua pluribus testatus :  
 studio in Integram sibi in Remp. fidem , quam ab initio popu-  
 Remp. lus agnoverit , nil de vigilantia sua , nil de amore  
 in Patriam remississe , at perniciosam nubem in expe-  
 ditiones suas invidos exhalare , quominus earum integ-  
 ritas videatur. Multa sibi imputari , preces ma-  
 xime , quæ tamen Senatus , Curatores , Tribunes ap-  
 probaverint : inserviisse se Legatis Cæsareis , placasse  
 Electorem , hujus ministros ambiisse , nullo privata ,  
 sed publicæ utilitatis ductu : daturum eventum , et  
 agnituros nepotes , his consiliis servari Remp. debuisse.  
 Fateri se , non ut crimen , sed facinus pro Rep. gestum ,  
 quod susceptas olim , postea decretas preces , cum re-  
 vni jam amplius non possent , in Curia promoverit. Im-  
 prudentes cum necessitate luctari , quam evitare neque-  
 unt. Imperare preces Cæsarem , Electorem , utroque  
 non in libertatis fore , non in Religionis præjudicium  
 cavente , ac si negentur , pro auctoritate sua pugna-  
 turos , quam Principes etiam cessante cause momen-  
 to severius tueantur. Contrahere vela ad importunio-  
 rem æstum navarcham ; rem sibi jam esse cum Electore  
 principatibus & foederibus supra omnes majores poten-  
 te : nec viribus minus timendam ejus virtutem. Pro-  
 secuturum cœpta , & futurum , ut eum , pro quo jam  
 orare nolunt , adorare debeant. Surdi ad hæc  
 Erfurtenses in protectione Saxonica sedi-  
 tionis impunitatem sperant. Interim Ba-  
 ro † de Schmidburg Cæsari , & ejus con-  
 filio acta legationis retulit , simul excusati-  
 ones Ministerii , cur imperatas preces re-  
 citare noller , in scriptis porrexit. Lectæ  
 illæ , & à Consiliariis utriusque Religionis  
 ina-

Schmidbur-  
 gius Cæsari,  
 quæ acta sint  
 refert.

inanes judicatae sunt. † Consilium Aulicum denuò paritionem injungit : literas addit Cæsar , quibus ad obedientiam urbem hortatur. Senatus nihil hisce melior veteres † prætextus allegat, pro Electore preces ut notam Superioritatis exigi, quam subire salvâ libertate nequeant. Inductos hortationibus Schmidburgii quosdam, ut in præscriptas preces consentirent, at citrà libertatis præjudicium fore contestatos esse, cui periculo necdum satis consultum. Hæc cum multis ergà Papium gravaminibus Cæsari perscripta. Simul † datæ ad Electorem litteræ: nollet dilationem precum, excusationes Cæsari factas, contumaciæ imputare; talia esse, quæ jusjurandum, quo Reip. obstructi, extrema etiam necessitas imperet. Nolle Senatum quippiam de juribus Eminentissimi diminutum, quorum integritas omnibus curæ sit, solo eo se contentos, si penes majorum instituta relinquuntur. Novit Elector veterem astum, quo verbadare Erfurtenses, & illa ambigua solent. Epistolam † Senatui tanquam absolum remisit.

Hallenhorstium, † & Kniphovium Senatu motos alibi dictum, pœnitentiâ ducti gratiam Domini respexere. Primo Hallenstorstius datâ emendationis fide restitutus est, ut non minus in morigeros Clementem, quam in pertinaces severum Elector se probaret. Datis ad Senatum litte-

*Paritio in puncto precum denuò injungitur.*

*Senatus veteres excusationes adfert.*

*Scribit Electori.*

*Ille epistolam remittit.*

XVI.

*Hallenhorstium & Kniphovium restituit.*